

DAKOTA Y R.C.A. PROMER TRIUNFADORNAN DEN TORNEO DI FUTBOL PA SCHOOL

(Di Nos Redactor Deportivo)

E promer triunfadornan di e torneo di futbol na beneficio di un kleuterschool na Sta. Cruz a keda dicidi diamars anochi den Wilhelminastadion. E dakotenjonan a derrota e hoben equipo di Aruba Jrs cu anotacion di tres gol pa cero, mientras cu e tricolornan di R.C.A. a supera e veloz muchanan di Jong Aruba dos pa uno.

E partido Dakota-Aruba Jrs tabata e promer di e torneo. Den di 20 minuut di e promer mitad,

despues cu un rapido avance di e alero drechi di Aruba Jrs Karel Tromp a caba di fracasa, e dakotenjonan ta anota e promer gol di wega.

Tambe nan atake tabata forma riba aladrechí. E voorzet di Trinidad ta baha net riba cabes di Tirso Steba, kende ta kop den forma perfecto aden pa habri e score. Keeper Etty Toppenberg di Aruba Jrs no a hanja oportunidad di taha e bala.

Seis minuut despues, cu un proximo atake di Dakota, e hoben delantero Richard Jacobs ta ricibi un pase net aden di doelgebied. E ta completamente liber y cu un rapido movimiento ta ganja e defensa cu a trata di drent'e. Cu e mes movimiento ey el a kita e keeper di Aruba Jrs tambe for di posicion y e shot di Jacobs cu ta sigi ta bai para te den net pa aumenta e ventaha dakotenjo te na 2-0.

Halftime a bai aden cu e score di 2-0 pa Dakota.

sinembargo nan mihor futbol, loke indudablemente ta debí na e debil opisicion cu nan tabata tin.

En todo caso manera por a worde spera, Dakota a bira e promer ganador (A) di e torneo.

Meskos cu den e promer mitad, e muchanan di Aruba Jrs ta muestra di no ta cla ainda pa topa un equipo di e caliber di Dakota. Nan pasenan ta mal coloca y falta di experiencia ta hunga un rol mashagrandi den nanderrota.

Aunke mester worde bisa mesora cu Dakota tampoco a hunga un futbol di gaba. Al contrario tambe nan tabata haci demasiado pasonan malo sin cu tin mester.

Den di 27 minuut di e segundo tempo Dakota ta aumenta su ventaha mas ainda ora cu Nulfo Steba ta haci un voorzet skerpi for di ala robes cu ta yega exactamente riba pia di su compañero Dany Pablo. Esaki no ta perde tempo y ta pone un cajnazo aden pa e tercer gol di wega.

Ora cu pa ultimo biaha referi Frans Figaroa ta fluit den e partido aki, e scoreboard tabata marca ainda 3-0 na favor di Dakota. Tabata un partido des-kilibra den cual e equipogador tabata demasiado pa esun perdedor. E dakotenjonan no a muestra